

佛說未曾有經  
甚希有經

百六十  
傷一

48399



元祿九年丙子二月日重脩

皇圖鞏固 帝階綴昌

佛日增輝 轉輪崇轉

山城州天安寺法金剛院置

二經同卷

佛說未曾有經

甚希有經

佛說未曾有經

後漢失譯

如是我聞一時佛住王舍城耆闍崛山與大

比丘眾千二百五十人俱尔時尊者阿難晨

朝著衣持鉢入王舍城正念乞食見有一處

新作大舍重閣高顯戶牖彫飾牆壁嚴整無

有風塵障隔寒暑尊者阿難見已即作是念

若有善男子善女人作如是嚴麗之舍布施

四方眾僧若如來般涅槃後若有善男子善

傷書



女人以如芥子舍利起塔大如菴摩勒菓其  
刹如針上施槃蓋如酸棗菓若作佛像乃至  
如麩麥是二功德何者爲多

余時尊者阿難乞食訖還本處飯食竟舉衣  
鉢洗足已往詣佛所一心恭敬頭面作禮於  
一面坐坐已白佛言世尊我於彼處晨朝著  
衣持鉢入王舍城乞食見有一處新作大舍  
重閣高顯戶牖彫飾牆壁嚴整無有風塵障  
隔寒暑便作是念若有善男子善女人能作  
如是妙麗之舍布施四方衆僧若佛般涅槃  
後復有善男子善女人以如芥子舍利起塔  
大如菴摩勒菓其刹如針上施槃蓋如酸棗

菓若作佛像乃至如麴麥是二功德何者爲多  
尔時世尊告阿難言善哉善哉阿難汝爲多  
人故爲安樂衆生故爲哀愍世間故爲大衆  
故爲多饒益天人故乃以是義問於如來阿  
難諦聽善思念之閻浮提地廣七千由延北  
闊南狹其中人面似如車形如是地上滿中

甘蔗竹葦稻麻叢林無空缺處猶如一體阿  
難是諸草木皆悉爲人得須陀洹斯陀含阿  
那含阿羅漢辟支佛若有一人盡壽供養衣  
鉢飲食牀坐醫藥房舍所須具足供給至滅  
度後一一起塔各起塔已供養恭敬香花伎  
樂燒香塗香料香幢幡寶蓋如是具足於汝

意云何如此功德寧爲多不阿難白佛言甚  
多世尊甚多善逝是善男子善女人得大功  
德佛告阿難置是閻浮提復有瞿耶尼廣八  
千由延人面如半月於彼中人亦復如是作  
大功德

復次阿難置是瞿耶尼復有弗于逮廣九千  
由延人面圓滿於彼中人悉亦是作大功  
德復次阿難置是弗于逮復有鬱單越廣萬  
由延人面正方於彼中人悉亦是作大功  
德佛告阿難釋提桓因大莊嚴殿彫文刻鏤  
微妙竒特有八萬四千寶柱以天清瑠璃間  
廁黃金以爲羅網弥覆其上金沙布地竒妙

拊檀以爲欄楯復次阿難是天帝釋大莊嚴  
殿復有八萬四千寶窓亦以天清瑠璃間廁  
黃金以爲羅網彌覆其上布以金沙拊檀欄  
楯復次阿難是天帝釋大莊嚴殿復有八萬  
四千天紺寶窓微妙嚴麗校飾如上復次阿  
難是天帝釋大莊嚴殿有八萬四千樓槽館  
閣四出圍遶衆寶校飾亦復如上佛告阿難  
若有善男子善女人作是天帝釋大莊嚴殿  
施四方衆僧於汝意云何是善男子善女人  
以此因緣得大功德不阿難白佛言甚多世  
尊甚多善逝此善男子善女人得大功德佛  
告阿難置此四天下功德復置釋提桓因大

莊嚴殿功德若有善男子善女人作百千億  
釋提桓因大莊嚴殿施四方僧復有善男子  
善女人於佛般涅槃後以如芥子舍利起塔  
大如菴摩勒菓其刹如針上施槃蓋如酸棗  
菓若造佛形像乃至如麴麥此功德滿足百  
倍不及千倍萬倍百千萬億萬倍所不能及  
不可稱量阿難當知是如來無量功德戒分  
定分智慧分解脫分知見解脫分復次阿難  
如來無量功德有大神足變化及檀波羅蜜  
尸波羅蜜羸提波羅蜜毗梨耶波羅蜜禪波  
羅蜜般若波羅蜜如是等無量功德  
尔時佛告尊者阿難汝諦受持此法阿難白



佛言受教世尊此名何法我等如來法中當  
云何受持佛告阿難此名未曾有法是一切  
清淨妙法方便我以是故慇懃囑汝此法當  
數數廣爲諸天人阿脩羅龍夜叉乾闥婆迦  
留羅緊那羅摩睺羅伽人非人等分別說之  
當作如來善根功德種子一切衆生聞者得入  
如來善根功德以是因緣故離諸煩惱悉皆成  
佛諸比丘聞已歡喜作禮

佛說未曾有經

甚希有經



唐三藏法師玄奘奉詔譯

如是我聞一時薄伽梵在王舍城住鷲峯山  
與大苾芻衆千二百五十人俱及無量菩薩  
諸天人等。爾時尊者阿難於日初分爲乞食  
故著衣持鉢入王舍城次第行乞。遙見一所  
有大層閣營構初成嚴麗綺飾甚可愛樂。旣  
見是已。內自思惟。若有諸善男子或善女人  
能造如是高廣層閣嚴麗綺飾甚可愛樂。奉  
施四方大德僧衆。復有諸善男子或善女人  
於諸如來般涅槃後起窣堵波。其量下如阿  
摩洛果。以佛馱都如芥子許。安置其中。樹以  
表刹。量如大針。上安相輪如小棗葉。或造佛

像下如穰麥如是二種所生福聚何者爲多  
今時尊者阿難旣作是念於王舍城次第乞  
已出還本處飯食訖收衣鉢洗足已於食後  
時往如來所到已頂禮卅尊雙足却住一面  
白佛言卅尊惟我向者於日初分爲乞食故  
著衣持鉢入王舍城次第行乞遙見一所有  
大層閣營構初成嚴麗綺飾甚可愛樂旣見  
是已內自思惟若有諸善男子或善女人能  
造如是高廣層閣嚴麗綺飾奉施四方大德  
僧衆復有諸善男子或善女人於諸如來般  
涅槃後起窣堵波其量下如阿摩洛菓以佛  
馱都如芥子許安置其中樹以表刹量如大

針上安相輪如小棗葉或造佛像下如麴麥  
如是二種所生福聚何者爲多故我今者請  
問世尊惟願如來哀愍爲說

尔時世尊以妙梵語告阿難曰善哉善哉汝  
今爲欲利益安樂無量衆生哀愍世間諸天  
人等令得大義利益安樂請問如來如是大  
義汝今諦聽極善思惟吾當爲汝分別解說  
阿難白佛唯然世尊願樂欲聞

尔時世尊告阿難曰即於此方南瞻部洲縱  
廣周匝七千踰繕那北闊南狹形如車箱人  
面亦尔假使於中合爲一段或甘蔗林或蘆  
葦林或竹林等或復稻田胡麻田等側塞充

滿無有間隙如是假使徧贍部洲或預流果  
或一來果或不還果或阿羅漢或諸獨覺側  
塞充滿亦無間隙如甘蔗等若有一家於彼  
聖衆盡形恭敬承事供養奉施上妙衣服飲  
食卧具醫藥及諸資緣於彼一般涅槃後  
如法焚身收其遺骨起窣堵波高廣嚴飾塗  
香料香熏香華瓊上妙幡蓋寶幢音樂燈炬  
光明讚歎供養汝意云何由是因緣彼所生  
福寧爲多不阿難白佛甚多世尊甚多善逝  
尔時世尊復告阿難且置此方南贍部洲於  
此東方毗提訶洲縱廣周匝八千踰繕那形  
如半月人面亦尔假使於中合爲一段或甘

蔗林或蘆葦林或竹林等或復稻田胡麻田  
等側塞充滿無有間隙如是假使徧彼東方  
毗提訶洲或預流果或一來果或不還果或  
阿羅漢或諸獨覺側塞充滿亦無間隙如甘  
蔗等若有一家於彼聖衆盡形恭敬承事供  
養奉施上妙衣服飲食卧具醫藥及諸資緣  
於彼一一般涅槃後如法焚身收其遺骨起  
窣堵波高廣嚴飾塗香料香熏香華鬘上妙  
幡蓋寶幢音樂燈炬光明讚歎供養汝意云  
何由是因緣彼所生福寧爲多不阿難白佛  
甚多世尊甚多善逝

今時世尊告阿難且置東方毗提訶洲於此

西方瞿陀尼洲縱廣周匝九千踰繕那形如  
日輪人面亦尔假使於中合成一段或甘蔗  
林或蘆葦林或竹林等或復稻田胡麻田等  
側塞充滿無有間隙如是假使徧彼西方瞿  
陀尼洲或預流果或一來果或不還果或阿  
羅漢或諸獨覺側塞充滿亦無間隙如甘蔗  
等若有一家於彼聖衆盡形恭敬承事供養  
奉施上妙衣服飲食卧具醫藥及諸資緣於  
彼一一般涅槃後如法焚身收其遺骨起窣  
堵波高廣嚴飾塗香料香熏香華鬘上妙幡  
蓋寶幢音樂燈炬光明讚歎供養汝意云何  
由是因緣彼所生福寧爲多不阿難白佛甚



多世尊甚多善逝

尔時世尊復告阿難且置西方瞿陀尼洲於此北方大俱盧洲縱廣周匝十千踰繕那地形四方人面亦尔假使於中合成一段或甘蔗林或蘆葦林或竹林等或復稻田胡麻田等側塞充滿無有間隙如是假使徧彼北方大俱盧洲或預流果或一來果或不遠果或阿羅漢或諸獨覺側塞充滿亦無間隙如甘蔗等若有一家於彼聖衆盡形恭敬承事供養奉施上妙衣服飲食卧具醫藥及諸資緣於彼一一般涅槃後如法焚身收其遺骨起窣堵波高廣嚴飾塗香糝香熏香華鬘上妙

幡蓋寶幢音樂燈炬光明讚歎供養汝意云  
何由是因緣彼所生福寧為多不阿難白佛  
甚多世尊甚多善逝

尔時世尊復告阿難且置北方大俱盧洲天  
主帝釋有大層臺其臺依止八萬四千衆妙  
寶柱一一寶柱籠以種種天青瑠璃妙寶珠  
網布以金砂灑以香水此臺復有周匝八萬  
四千衆妙寶窓牖一一窓牖垂以種種天青  
瑠璃妙寶珠簾布以金砂灑以香水此臺復  
有八萬四千衆妙寶敵一一寶敵覆以種種  
天青瑠璃妙寶珠網布以金砂灑以香水假  
使使若有諸善男子或善女人造妙層閣高廣

嚴麗以天帝釋妙寶層臺奉施四方大德僧  
衆汝意云何是善男子或善女人由此因緣  
彼所生福寧爲多不阿難白佛甚多世尊甚  
多善逝

余時世尊告阿難曰且置四洲及天帝釋大  
寶層臺假使若有諸善男子或善女人能造  
百千俱胝層閣高廣嚴麗皆如帝釋妙寶層  
臺奉施四方大德僧衆復有諸善男子或善  
女人於諸如來般涅槃後起窣堵波其量下  
如阿摩洛果以佛馱都如芥子許安置其中  
樹以表刹量如大針上安相輪如小棗葉或  
造佛像下如麤麦以前福聚比此福聚於百

分中不及其一於千分中亦不及一於百千  
分數分筭分計分喻分乃至鄔波尼殺曇分  
亦不及一何以故阿難如前福聚其量雖多  
然不及者為諸如來於三大劫阿僧企耶修  
習無量勝戒定慧及以解脫解脫知見皆圓  
滿故如來無量慈悲喜捨十方六趣教化神  
通皆圓滿故如來無量布施持戒忍辱精進  
靜慮智慧及餘功德皆圓滿故以是當知造  
佛形像及宰堵波所獲福聚不可思議不可  
比喻今時世尊告阿難曰汝當敬受如是法  
門阿難白佛我已敬受未審如是所說法門  
其名何等我當奉持佛告阿難今此法門名

甚希有能令衆生種植一切圓淨白法以是  
名字汝當奉持阿難當知我自昔來數曾爲  
天龍藥叉廣說乃至人非人等宣說開示如  
是法門何以故世尊欲令如是種類諸衆生  
等於如來所無倒恭敬種諸善根長夜獲得  
利益安樂速成無上佛菩提故  
時薄伽梵說是經已尊者阿難大苾芻衆無  
量菩薩及諸天人阿素洛等聞佛所說皆大  
歡喜信受奉行

甚希有經

傷

酸

蘇官

麴

上俱

反

刻鏤

二字古

開

廁上去聲下初使去及欄下楯下時也尹反樓上槽下音魯音城屋

也 羸初眼反又初鷹反二音通呼

甚希有經 御製聖教序

潛昨益音鑑也察也照也庸上愚音容凡也苞必交入控

苦負毫下釐力之反十毫湛澄宅減反挹伊入

也 酌尺尹連音寢夢字拯蒸字溺也紛紕文反芳

下均有音公緣音樊慈朗反慨古愛訛上課下愚和

幼借有聲析二同先擊三歲名反慨古愛訛上課下愚和

反履詢蘇旬反諮餐字探蹟上土舍反微也躡屣屣

也 深也馳下驟助瘦反臻側申卉許鬼反百也幽

聖記

闡昌演反軌上躡俱水反下直綜上括下子宋

治反也  
想  
宏  
惠萌反  
剪  
同剪字  
局  
決  
瑩  
翔  
飛音祥  
黔

黎  
謂上巨  
兼反  
一  
一  
斂  
衽  
審上力  
檢反  
下  
而  
蛄  
蟲

上音昆  
下直弓  
反  
反  
賈  
求位反  
反  
甸  
郊音  
殿  
也  
嵩  
華  
息

弓反  
下胡化  
疑  
魚陵  
齧  
齧  
上音  
條  
小  
鬼  
長  
駭

反山名也  
化  
疑  
魚陵  
齧  
齧  
上音  
條  
小  
鬼  
長  
駭

之歲也  
匿  
隱  
力  
反  
經  
楚  
窳  
堵  
上  
蘇  
深

觀  
梵  
語  
罕  
堵  
穰  
麥  
上  
正  
作  
麴  
盍  
字  
銖  
踰  
繕  
上  
羊

波亦云  
塔也  
穰  
麥  
上  
正  
作  
麴  
盍  
字  
銖  
踰  
繕  
上  
羊

繕下  
扇反  
梵  
語  
踰  
間  
隙  
下  
丘  
敵  
徒  
的  
鵠  
一  
古

曇  
徒  
舍  
企  
耶  
僧  
上  
丘  
耶  
此  
云  
無  
央  
數  
也  
梵  
語

